

畿輔通志卷二百二十三

列傳三十一 明八

明

大名府

周武

鍾友諒

趙甯 子元

石佩 從弟鼎 肯構

曾孫

邢九成

李瑾 郭鎧 趙政

楊仲禮

陳嘉

李琢 元孫岳

李亨

董芳

劉楨

朱師恕

劉矩

康祥

楊鐸

于欽

魏大賢

甘澤 弟潤

董興

張如宗 子倫 孫瓘

董俊

尚員

胡睿 子鍵

侯英 弟侃

王範 子縉 紀

毛驥

朱璘

陳誌

楊隆

張冕

張祝

任勉

王綸

王肅

唐勉 侯俊

劉信

薛鑿

翟唐

胡錠

趙祐

李珏

王縱 父溥

劉守達

孟諒

趙昂

顏正

毛纘

崔尚義

王崇慶

胡巍

成實 曾孫基命

王大節

王溱

孫聰

侯秩

吉陳 子澄 孫大同

王世爵

董進第

趙廷瑞

王塘

史章

于秉

劉宗仁

劉珂

楊呈瑞 子思永

黃炳

史良善

董錦

李師孔

陳王前

王璣

張師伊

呂時中

晁堞 子東吳

申旆 曾祖鑄

王光祖

盧守

楊守愚

王永壽

徐大壯

成宰

于蕃

石星

殷煉

穆陳實

穆文熙

邵永春

李莪

竇如蘭 子生榮

王循吉

趙君輔

徐信

郭思極

鄭國士

袁旦

成遜

劉默 子遵憲  
孫六德

王一元

李化龍

董復亨

魏允貞 弟允中  
允孚

劉懷恕

朱之揚 子允升  
盛允

趙承芳

崔景榮

成蓮 子伯龍  
少龍仲

崔邦亮

朱爵

李景元

董漢儒

李庭芳

邢琦

錢通

任光裕

顏悅道

朱冠 父憲文

陳所志

李養正

李先成

郭增光 父崇智

王家楨 子元爓

杜斗愚

徐枏

王時和

楊紹震

鄭仰元

劉璧星 張力  
辛廣慈 范春駿 李允樟

張明遠 弟行遠

李其紀

許宗禮

魏鳴世

張五友

楊文昌

許莘

時躋舜

子泰

壯

竇星

陳廣心

張三傑

劉紹璇

蘇慶錫

靳聖居

張宏道

杜廷連

李廷表

子元煒

董三齊

袁葵

高九巖

黃從貴

劉永錫

子臨

樊吉人

侶鶴舉

夏道一

楊希震

石崑岡

鄭獻詩

弟獻書  
子位

蔣燮明

岳維楨

魏師楨

王奎璧

岳鳳兆

明

大名府

周武開州人從太祖定江東滅漢平吳積功爲指揮僉事從定中原進都督僉事洪武十一年以參將從沐英討西蕃封雄武侯祿二千石世指揮使出理河南軍務巡撫北邊二十三年木贈汝國公諡勇襄

明史

鍾友諒字明德魏縣人明初知祁門縣薙蓬蒿開市井招流亡闢土地建立廟學百廢俱興

江南通志

趙甯大名人明初官宛平縣丞清宦官所占地奉詔嘉獎衛王出封力抗橫索遷鞏昌府判官督甘肅糧儲以諫裁餉忤都憲遂請急歸里子元教諭亳州督課勤懇人稱爲草菴先

生

大名府志

石佩南樂人監生泗州知州廉仁勤勸課九年考績報最民赴闕請留加參議銜復歷九載爲泗州名宦第一從弟鼎承

樂辛卯舉人治行一如其兄曾孫肯構甯海判官清廉似祖

同上

邢九成名樞以字行長垣人洪武初舉明經官行人司行人

著有紀行集二卷祀鄉賢

長垣縣志

李瑾魏縣人洪武中知安鄉縣撫字有方流民復業者甚眾

又有平涼教諭郭鏗工部主事趙政皆以人材著聲

大名府志

楊仲禮大名人明初舉孝廉任襄陵知縣崇祀鄉賢遺事散

軼

同上

陳嘉魏縣人洪武中貢生官山西布政使練達政事祀鄉賢

祠

同上

李琢長垣人以田宅讓諸兄獨取書籍自娛洪武間由歲貢

官平定州訓導卒門人皆哭失聲元孫岳字世瞻景泰甲戌

進士授戶部主事轉禮部員外郎出為山西參議歷按察布政司遷宣府巡撫都御史峭直自持官三十年人莫敢干以私為布政時弟巖舉成化癸卯鄉試馳至署僚屬集千金賀之岳勿納而即日遣巖歸其清介如此後為左副都御史以忤劉瑾致仕卒祀鄉賢祠

長垣縣志

李亨字子貞大名人以善易受知於成祖永樂初召至京師欲處以清要辭除在平教諭升永甯教授從黃福征交趾有贊畫功遂歸孜孜訓迪正統間卒知府李瓚見遺文知其學有本原以之配享劉忠定

大名府志

董芳字廷芝元城人永樂乙酉舉人四為郎官歸家讀書課子弟孝友雍睦鄉里化之

同上

劉楨清豐人幼好學手不釋卷登永樂十三年進士任監察



御史每輿櫬上疏指陳時事以是撻逆鱗之怒卒殞其軀士

論惜之

清豐縣志

朱師恕號良田魏縣人永樂十八年舉人時父沒母存侍母

側三十餘年未嘗遠離母喪終乃謁選以疏論選法不公降

懷慶府照磨值河決民廬漂沒師恕選壯士三百持土囊祝

天投之水應時止百姓為立生祠後以發道官贓忤內監被

誣逮至京師懷民數百擊登聞鼓訟冤擢松江通判未任卒

大名縣志祀鄉賢

大名府志

劉矩字仲方開州人垂髫時即恪執禮度過市未嘗舉目他

顧

分省人

永樂十九年第二人及第授翰林院編修遷修撰

開州志 自矢忠勤雖細行必謹尤嚴於祀先一蔬果必薦口不

言人過失人或犯之勿校也

分省人

學問宏深以明道橫渠

為準為文溫醕典雅酷類南豐以病歸卒

開州志

康祥南樂人母患瘋疾晨夕虔禱遂愈繼患癰又禱願以身

代忽徧體皆癰母亦愈及卒負土成墳廬其側三年宣德中

旌

雍正志案南樂縣志亦云宣德庚戌旌而明史孝義傳列洪熙間旌

楊鐸南樂人少孤事母侯氏至孝母病鐸齋禱求代母卒號

痛幾絕廬墓者三年正統丙辰旌

南樂縣志案明史孝義傳楊鐸列洪熙間雍正志

則云宣德中旌

于欽長垣人正統五年輸粟一千二十石助賑表其廬曰

義民

長垣縣志

魏大賢元城人正統六年出豆來一千石助賑表其廬仍

旌其門

雍正志

甘澤號東閭開州人登正統七年進士授行人擢御史

開州志

以劾武清侯石亨謫滁州衛經歷成化元年以巡撫劉孜薦

升常熟縣剛方有爲豪猾屏息

蘇州府志

歷升廣西副使又謫滁

州天順改元召還至張秋聞父訃痛哭絕而復蘇徒跣三百

餘里歸葬與弟潤俱廬墓三年澤卒潤居母喪亦如居父喪

時宏治中竝旌表

開州志

董興長垣人初爲燕山右衛指揮使累遷署都指揮同知正

統中新建伯李玉等舉將才進署都指揮使京營管操復擢

署都督僉事充右叅將從甯陽侯陳懋討鄧茂七於建甯進

都督同知南海賊黃蕭養圍廣州安鄉伯張安都指揮王清

戰死賊眾攻城益急召拜興左副總兵調江西兩廣軍征討

而以侍郎孟鑑贊理軍務興用天文生馬軾自隨景泰元年

二月師至廣州賊勢甚熾而徵兵未至諸將請濟師軾曰廣

民延頸久矣卽以狼兵往擊猶拉朽耳興從之旣而兵大集  
進至大洲擊賊殺溺死者萬餘人餘多就撫蕭養中流矢死  
函首以獻餘黨皆伏誅進右都督留鎮廣東給事中黃士儔  
劾興縱恣降其官明年復職久之召還分督京營與曹吉祥  
結姻冒奪門功封海甯伯充總兵官鎮遼東予世券吉祥誅  
奪爵仍右都督發廣西立功以錦衣李貴薦復爵總兵宣府  
再予世券憲宗嗣位罷還已停世襲家居十餘年卒明史  
張如宗大名人家貧力學以端謹聞由生員選序班轉光祿  
丞正統時巡視真定督川陝茶馬擢四川叅議歸以孝悌力  
田訓鄉黨子倫天順丁丑進士官太原知府如宗宴客猶旁  
立上食伯觴客屢請同席僅得賜食廡下其家法如此孫權  
謙冲和厚與人無忤色待諸從子情意最篤以歲貢授邢縣

訓導伊陽教諭晚年養靜郊園不入城市

大名府志

董俊南樂人景泰元年舉人受知英宗擢監察御史未幾出為雲南副使會尋甸府蠻叛俊勒兵討之兵不血刃首惡就

擒升本省按察使

雍正志

尙員字文知長垣人景泰元年舉人授屯留知縣廉介絕俗

上官色微不悅卽策蹇歸上官使人追之竟去不顧安貧樂

道杜門不出者十五年卒祀鄉賢祠

長垣縣志

胡睿字好問其先卽墨人其兄敏官長垣訓導因家焉睿登

天順元年進士授刑部主事出為平陽知府任平陽九年多

善政遷江西叅政累遷工部左侍郎卒賜祭葬祀鄉賢子鍵

字希準宏治九年進士授戶部主事歷官陝西布政司叅政

性質直不諧於俗守河南值歲凶籌畫蠲賑全活甚眾遇旱

禱輒雨有闍人欲索其賄不與計劾之鍵不少屈及參陝藩  
竟以讒去官卒於家

長垣縣志

侯英字世傑開州人天順四年進士授御史按遼東抗章劾

中官四方想望風采

大名府志

官終都察院副都御史性至孝

開州

志年十二三時母鍾氏患疾英日夕稽首泣禱歷四十九日

母疾竟瘳

分省人物考

母沒與弟侃同廬墓側有白鳥數千旦夕

飛鳴墓前

開州志

王範字子儀開州人天順四年進士選庶吉士改刑部主事

陞郎中奉詔按松藩獄忤中貴謫東平州教民樹藝俗用殷

富丁內艱服闋東平士民赴吏部乞復任二年擢福建延平

府

開州志

定徭役等第貧富適均

福建通志

轉叅政時上杭守禦干

戶劉鐸叛江閩間患之範單騎馳諭賊竟解散獲其魁得金

幣之賜遷湖廣布政使引年歸卒子縉紀縉字朝章舉正德  
丁卯亞魁歷知定遠延長縣以拂上官意解組紀字朝憲正  
德庚辰進士知霍邱縣未半載而辨釋冤獄興學舉廢政聲  
翕然調吳江值歲饑飢民駢闐領賑每至壅滯紀令人給片  
楮詣主者爲左驗不勞而事集鄰邑多仿其法行之徵授戶

部主事升員外郎以疾卒

開州志

毛驥字廷瑞長垣人天順入年進士除新昌縣擢御史巡按  
四川授浙江按察使調陝西苑馬寺卿以疾辭歸尋起爲僉  
都御史巡撫延綏命甫下而卒驥少有志操耿介不羣宰新  
昌除不法者數人豪強斂戢旣去縣人於廳事後建亭立石  
以思之爲御史時劾中貴比按蜀還中貴人以計搜其行李  
惟圖書數卷而已主蜀試秉公取士有聲於時祀鄉賢

長垣志

朱璘長垣人天順間輸米助賑表其間曰義民同上

陳誌元城人成化七年舉人雍正志任崞縣知縣廉公自持勤

於其職暇輒為諸生講論經史祀名宦山西通志後以戚畹封太

和伯元城縣志

楊隆大名人成化十四年任山陽令講禮義明法令期年上

下交孚城池廨署學廟次第修舉祀名宦祠陝西通志

張冕字服周長垣人成化十四年進士知商水縣擢御史尋

出知安慶府疾惡嚴而樂於從善宿弊盡革稱治行第一升

江西叅政引疾歸卒之日僅存新炭一隻耳祀安慶名宦祠

長垣縣志

張祝魏縣人以孝聞舉成化十九年鄉試任榮府審理升大

同府通判以忤劉瑾罷歸大名縣志



任勉開州人性孝品端養親以禮父喪廬墓三年執經問難

者百餘人里中悍戾皆化爲良善有司以聞旌

開州志案  
明史孝義傳

有開州任勉  
在成化間

王綸字大經開州人宏治三年進士知常熟縣平心以事監

司不迎合以干進馭吏嚴明訟牒可諭則決遣或委耆民理

之衆皆服歲歉躬出勘災煮糜以哺飢民歲豐漕皆如期輸

納任內鮮逋賦復興學校課士子拔俊異而禮之號舍不能

容乃闢地構屋以居遷衢州通判又遷山西沁州知州

蘇州府志

王鼐長垣人父喪廬墓三年有白蛇烏鳥之祥有司以聞表

其廬宏治四年撥入東明籍五年舉於鄉官至浙江按察司

僉事

長垣縣志

唐勉長垣人性純篤受侮不較或問之答曰吾父母卑逝與

較必爭爭必至罵詈及親是重吾不孝也年七十餘卒長垣

侯俊父疾晝夜籲天求以身代父尋愈人稱為真孝子雍正志

案唐勉侯俊各志俱未詳何時人姑從雍正志次王鼎傳後

劉信魏縣人宏治八年舉人官歸德州時州城初遷庶務草

創信明習吏事區畫有方人不敢欺亦莫能易其法河南通志

薛鏊字全卿魏縣人博學工文登宏治九年進士歷知旌德

績溪建平三縣有循聲累官兩淮鹽運使武宗南巡力抗江

彬需索商民賴以無虞歸里後課子力穡為鄉黨推重祀鄉

賢祠大名府志

翟唐字堯佐長垣人宏治十二年進士由壽光令召為御史

正德四年出按湖廣奏言四川賊首劉烈僭號設官必將為

大患而內外壅蔽獎諭切責率皆虛文宜切圖預備之策時

劉瑾竊柄惡之兵部尙書王敞希瑾指言今邊滌宿弊唐乃云然宜令指實會瑾怒稍解乃切責而宥之久之遷知甯波府市舶中官崔瑤藉貢物擾民唐杖其黨王臣臣尋病死瑤奏唐笞殺貢使帝怒逮下詔獄巡按御史趙春等交章救之給事中范洵亦言唐被逮日軍民遮道泣涕請宥令還任帝不聽謫雲南嵩明州知州再遷陝西副使卒

明史

胡錠字希會長垣人宏治十二年進士官兵部郎中尙書曹元劉瑾黨也錠以裁抑濫襲忤之因出爲黃州知府賑饑除盜聲績卓著升江西副使革甯府護衛七百名及強售兌米十餘萬遂被誣逮繫詔獄

大名府志

餘千盜起以提督軍務都御

史俞諫薦復官

長垣縣志

平江西劇盜王浩八遷浙江按察司毀

中官王堂生祠擢山西巡撫練兵修備敵不敢犯移鳳陽巡

撫累遷戶部右侍郎致仕卒賜祭葬

大名府志

趙祐字汝承長垣人宏治十五年進士授吏部主事忤中官  
謫平涼府通判屢遷山西提學副使陝西苑馬寺卿卒以振

刷馬政有功贈中大夫外官之有贈自祐始

長垣縣志

李珏字廷重開州人甫四歲喪母梵然子立鮮伯叔兄弟而

嶷然聰穎倍於常兒宏治十八年登進士授長洲知縣年甫

二十有五翦剔吏蠹聽斷詳明遠邇以神明稱之居二載適

逆瑾用事誣逮至京縣人謀脫之爭斂金帛以饋瑾珏正色

曰余爲民獲罪若復斂民以脫余是益余罪也事亦得白三

年升刑部主事歷員外郎中出守東昌知府政先大體事集

民安未幾調劇常州甫一載丁繼母憂起青州府青有鹽鑛

多巨盜比至擒其渠魁其餘黨遂解散郡人生祠之升山東

按察副使備兵徐州徐爲兩京要衝有司疲於供億民多逃亡珏裁浮節冗交際悉有定式人亦諒其廉不以爲慢里甲之困由是少蘇時大盜王鏜聚眾數萬行劫袞濟珏調集精銳搗賊巢穴遂蕩平焉有白金綵幣之賜升浙江右叅政轉山西按察使剖決如流升都察院右僉都御史巡撫甘肅抵任三月以原臬晉時所勘事被逮至京上奇其丰采中貴密示上意曰廷鞫之日若諉責巡按豈特脫罪當有不次之擢珏笑曰死生榮辱自有定分臨難二心非君子所爲豈敢欺天以徼寵也獄成謫戍廣西潯州去國萬餘里羈配所十餘年隨行親屬瘴癘死者自妻秦氏以下十有七人處之泰然畧無怨色尋蒙恩赦還嘉靖壬寅雁門失守廷臣交薦以原職起任提督雁門等關兼巡撫山西地方至之日督率將領

行視關隘乃陳禦虜事宜及增兵築邊預定戰守之策上皆嘉納焉遂增叅將四員築邊垣八百餘里調選民兵分布要害虜不敢入得璽書褒獎居一載引疾乞歸戊申遼左不靖復起用至遼增築屯堡奏調河間青州之技卒添募錦義甯前之兵馬選用土人之精壯區畫甚密召爲大理寺卿方候代賊數萬人寇乃督諸路兵馬設伏阨險鏖戰累日得虜首一百五十級虜器倍焉遼人謂二十年來斬獲未有如斯之盛也上嘉悅而爲勸者所擠功遂不錄官大理卿未期月上

疏乞歸卒於家

分省人物考

王縉字遜伯開州人父溥爲陽曲丞性狷介忤上官歸縉登宏治十八年進士授戶部主事升員外郎時劉瑾竊政羣閭多所請囑縉悉格不行出爲衛輝知府遷湖廣按察副使適

世宗入繼大統宦官谷大用迎駕至安陸陵躡有司罰縱長  
跪縱不屈大呼奏行在上遣中官慰諭之

開州志

縱卽日棄歸

而五疏劾大用大用遂罷斥縱尋起復

分省人  
物考

改河南副使

以擒鑛寇功升山西叅政晉故患盜縱至策勵將士討平之  
進行太僕寺卿以疾告歸起四川布政使擢副都御史巡撫  
江西民故健訟縱如法懲治俗稍革入爲大理卿以忤旨左  
遷山東左叅議卒縱宦遊三十年蕭然如寒素痛兄早逝舉

先世遺業盡畀兄子鄉人賢之祀鄉賢祠

開州志

劉守達字應徵開州人宏治十八年進士授青州府推官有  
富民繫獄以金獻守達卻之竟抵於法以忤璫落職起婺源  
丞升餘姚知縣有毆殺婦人者潛易其屍累勘不服守達檢  
之曰肌膚雖腐髮辮尙存此處子屍非原屍也遂折服眾稱

神明累遷南京工部郎中以母老乞歸終養

開州志

孟諒字易之長垣人母卒負土成墳廬居三年有司欲以聞

諒止之宏治間以歲貢官濟寧州判

長垣縣志

趙昂開州監生正德初為三原主簿平居接物藹如也而操

守甚堅當道委以政事所在底績升博興知縣

陝西通志

顏正大名人正德三年進士任御史奉命清戍河南百僚震

肅鎮守太監廖堂權傾中外斂手避之卒於官

人名縣志

毛纘長垣人正德二年舉人延綏巡撫驥季子

長垣縣志

官絳縣

教諭循循善誘士類歸之

山西通志

崔尙義長垣人正德二年舉人授江甯知縣升階州知州

長垣志

取與不苟尤嫺刑名凡有勘斷援筆立就

甘肅通志

調臨洮府

同知不畏強禦歷官十五年告歸

長垣縣志



王崇慶字德徵開州人正德三年進士授戶部主事時劉瑾  
下獄未誅崇慶請卽正典刑主事宿進以直諫與杖崇慶復  
爭之武宗怒謫壽康驛丞踰年判沁州旋同知登州升戶部  
員外轉郎中辛巳擢江西按察司僉事嘉靖初上新政十三  
事皆見嘉納豹房回子余永以邪術惑武宗陝西總兵李隆  
陰唆叛軍殺都御史許銘崇慶疏言不誅余永恐妖邪踵至  
不誅李隆恐威令損傷識者趨之癸未改山西參議乞終養  
起河南副使再乞終養家居十五年丁母艱服闋卽家起陝  
西行太僕寺卿授四川布政司以平蕃功賜銀幣累官南京  
吏部尙書卒手輯志乘簡核有體又著五經心義山海經釋  
義元城語錄解端溪文集等書人稱爲端溪先生祀鄉賢祠

開州  
志

胡巍字世高開州人正德三年進士知常熟縣渾樸慈祥三載考績上官以催科盈絀爲優劣巍曰甯棄官不可殺吾民劇盜劉七將至福山鄰疆縣官有遣家屬遁者巍不爲動歷

八年以行取入都卒於家

蘇州府志

成實字大信大名人早慧寡言登正德五年鄉薦授淮安通判奉檄捕海寇一鼓而殲其渠賜金帛旋乞歸子就官都司斷事孫序爵生員曾孫基命

大名府志

字靖之後避宣宗諱以字

行萬歷三十五年進士改庶吉士歷司經局洗馬署國子監司業事天啟元年疏請幸學不先白政府執政者不悅令以原官遷局遂請告歸尋起少詹事累官吏部右侍郎兼太子賓客改掌南京翰林院事六年魏忠賢以基命爲楊漣同門生落職閒住崇禎元年起吏部左侍郎明年十月京師戒嚴

基命請召還舊輔孫承宗省一切浮議倣嘉靖朝故事增設  
樞臣帝竝可之踰月拜禮部尙書兼東閣大學士入閣輔政  
庶吉士金聲薦僧申甫爲將帝令基命閱其所部兵極言不  
可用後果一戰而敗袁崇煥祖大壽入衛帝召見平臺執崇  
煥屬吏大壽在旁股慄基命獨叩頭請慎重者再帝曰慎重  
卽因循何益基命復叩頭曰敵在城下非他時比帝終不省  
大壽至軍卽擁衆東潰帝憂甚基命曰令崇煥作手札招之  
當歸命也時兵事孔棘基命數建白皆允行及戒嚴召對文  
華殿帝言法紀廢弛宜力振刷基命曰治道去太甚譬理亂  
絲當覓其緒驟紛更益擾亂帝曰慢則糾之以猛何謂紛更  
其後溫體仁益導帝以操切天下遂大亂三年二月工部主  
事李逢申劾基命欲脫袁崇煥罪故乞慎重基命求罷帝爲

貶逢申一秩韓爌李標相繼去基命遂爲首輔與周延儒何如寵錢象坤共事以恢復永平敘功竝加太子太保進文淵閣至六月溫體仁吳宗達入延儒體仁最爲帝所眷比而傾基命基命乞放歸帝慰留之卒三疏自引去基命性寬厚每事持大體先是四城未復兵部尙書梁廷棟銜總理馬世龍將更置之以撼樞輔承宗基命力調劑世龍卒收遵永功尙書張鳳翔喬允升韓繼思相繼下吏竝爲申理副都御史易應昌下詔獄以基命言改下法司御史李長春給事中李齊芳坐私書事將置重典基命力救不聽長跪會極門言祖宗立法眞死罪猶三覆奏豈有詔獄一訊遽置極刑自辰至酉未起帝意解得遣戍逢申初劾基命後以礮炸下獄擬戍帝猶以爲輕亦以基命言得如擬爲首輔者數月帝欲委政延

儒遂爲其黨所逐八年卒於家贈少保諡文穆

明史

王大節大名人正德五年舉人知萬全縣性嚴明不寬假豪猾民安其治邑西門外有土橋歲久傾圮涉者病之大節悉力規畫易之以石又以其餘修其西之永安長橋臥波行旅

稱便

山西通志

王溱字濟之開州人正德六年進士知沁水縣徵拜御史彈劾有聲時號真御史出爲平陽知府調南康又改河東抗疏

自劾歸以疾卒君子惜之

開州志

著有玉溪詩集

大名府

孫聰字用晦開州人正德六年進士知合肥縣役繁民困聰釐剔奸弊隨事節省民愛戴之入爲戶部主事掌天津倉值武宗南巡取道津郡徵發者絡繹不絕聰悉心區畫民忘其勞出爲平涼知府多惠政改慶陽有少年欲以強暴辱孀婦

婦其臂始逸去痕復乃歸聽偵知之乃盡拘里中佻達少年而醉之以酒得臂有癥痕者如法按治時稱神君遷四川

按察副致仕開州志

侯秩字季常長垣人正德十二年進士除曲沃縣以禮法裁

抑諸中貴家長垣縣志退食後輒與諸生講學一時學者以山斗

歸之山西通志擢御史抗疏論輔臣及禮官私交者謫富順縣丞

升山西蒲城縣遷揚州府長垣縣志勤儉率下儲粟至二十萬石

江南通志遷甘肅副使劾貪旌廉人樂為用晉陝西布政司叅政

引疾歸卒祀鄉賢祠長垣縣志

吉陳字萬言開州人少孤有至性正德十四年舉於鄉授河

州知州轉趙鄭兩王長史多所匡益為王所禮世宗時鄭王

以直諫廢錮陳亦歸鄉恂恂敦長者行食不重肉一褐歷十

年不易子澄字靜甫嘉靖甲辰進士除雒南縣以治行擢御史守正不阿歷八年不調久之乃累遷都御史巡撫遼東有卻敵功以疾卒澄子大同嘉靖十一年進士授行人累官湖廣叅議清盜源植葦利民甚德之遷睢陳兵備副使救災弭患四境帖然聞父疾棄官歸父服除復以祖母老乞終養人以爲世篤忠孝云

開州志

王世爵字君列開州人正德十五年進士時武宗南巡未廷試辛巳世宗卽位御西角門策試授兵部主事以臺諫闕員擢南京監察御史巡視留都十三門戊子春疏陳時政八事忤權倖出爲廣西僉事尋丁內艱甲午起山西副使備兵雲中有平寇勲賜金幣加俸一級戊戌調陝西副使撫治西甯會兵部考績以前在大同建陽和天城二堡功復賜金幣加

傳一級尋轉遼東苑馬寺卿升江西右叅政居二年告歸杜

門謝客蕭然塵外二十餘年撫按交薦不起時論高之開州志

董進第元城人正德十六年進士知慈溪太湖大名一疏一府志

鮭不妄取於民樵夫爲作歌曰山水之清猶有塵縣官之清

塵不染江南通志擢禮科給事中勘獄山西奏巡撫等不法事遷

吏科與考察輿論甚孚尋以論吏部尙書汪鋹貪汙忤旨遂

歸大名府志

趙廷瑞字信臣開州人正德十六年進士由庶吉士擢給事

中時張璉以詹事擢兵部侍郎廷瑞疏言璉列進士六年遽

貳本兵恐啟奔競之漸因劾吏部尙書廖紀不能因事納忠

有忝重望聞者嘉其直諒武定侯郭勛私釋罪人於配所廷

瑞疏劾勛竝劾刑部尙書高友璣侍郎許瓚等骫法勛革祿



米削保傅友璣勒令致仕餘各罰俸有差兵部推左都御史  
王憲提督宣大軍務憲難之廷瑞劾憲畏葸非大臣體憲竟  
罷去復論江彬爪牙李琮錢甯羽翼齊佐及賤俗張仁交通  
舞弊事皆見嘉納轉光祿卿駕幸承天廷瑞從疏言行營倉  
卒珍膳或不能辦請以土產時鮮供用俾公私兩便上從之  
駕還以建儲恩得廢子疏讓其弟廷璋尋補陝西巡撫時俺  
答不孩率眾渡河游牧套中廷瑞與總督劉松謀出師掩擊  
大捷進兵部侍郎仍巡撫歷三年以疾致仕秦中人謂其才

猷志節堪與馬端肅余敏肅相竝云

畿輔人物考

王澹長垣人正德間由監生在襄城縣縣丞流寇攻城澹竭  
力拒守城陷被執不屈死襄民立祠祀之

雍正志

史章長垣人正德間官絳縣教諭以勤敏課士有聲

山西通志

于藁長垣人嘉靖元年舉人除武涉縣判決如流調稷山益

勤其職學校城池次第修葺擢蔚州知州祀名宦祠

同上

劉宗仁大名人嘉靖二年進士除鄞縣鄞俗健訟宗仁平決

明允俗漸革市舶太監每怙勢病民畏宗仁亦斂戢居鄞三

年徵授南京雲南道御史以論吏部尙書王瓊逮下詔獄尋

復官陳四事曰議處祿糧以全宗室增置軍馬以固關隘分

別田糧以蘇窮民免徵草價以恤軍士言極剴切世宗嘉之

擢揚州府揚俗浮靡宗仁率民撙節歲省數萬遷陝西鄜州

兵備副使邊鄙以甯尋升左參政致仕

大名縣志

劉珂字伯瑒開州人奉母至孝登嘉靖二年進士未授官卽

疏乞侍養歸定省之暇則聚徒講學足不履公府母服除授

刑部主事歷郎中以廉平著聲擢山西僉事盡心屯政上以

金幣賜之遷副使致仕

畿輔人物考

楊呈瑞字鳳儀南樂人訓導宏子嘉靖四年舉人官靜樂知

縣慈惠清廉子思永歲貢除真定訓導不赴事母孝工書

大名

府志

黃炳字文煥元城人孝事繼母友二弟還遺金賑饑乏善行

甚夥以子立極貴贈少師

同上案此不詳年代依府志列楊呈瑞後

史褒善字文直開州人嘉靖十一年進士授行人治韓王葬

事屏絕苞苴選御史巡按遼東時遼新被兵人情洶懼褒善

恩威竝濟邊宇底寧復與巡撫延名儒修志遼之有志自此

始尋以憂去起浙江道按楚有平麻陽盜功上疏論陵璫不

法事謫滁州判起南京國子監博士累陞僉都御史提督操

江時倭事孔亟褒善兼程之官疏言東南財賦甲於天下而

留都根本重地視江淮一帶爲尤重譬之居室留都堂奧也  
鎮江儀徵門戶也靖江海口則藩籬也欲堂奧尊嚴則當謹  
門戶欲守門戶則當固藩籬此易所謂設險以守其國也操  
江雖奉敕轄江南北然動多掣肘茂以集事皆由職守未專  
所致請敕巡撫專管海防操江專管江防操江原無額設錢  
糧竝乞措置以便安攘疏下兵部議行於是選將弁申紀律  
團練兵勇改造戰船軍政一新復請設兵備副使三員一駐  
太平一駐鎮江一駐通州各以把總一員領兵千餘副之至  
瓜洲重鎮則宜委揚州同知領民兵七百以防守腹地得旨  
允行未幾倭大肆焚劫獨江關一帶兵完守固上嘉賚之復  
條上江防六事曰廣求才以充將選嚴法程以稽團練儲軍  
餉以護重地選庶職以備任使築鎮城以固江關稽蘆佃以

絕奸細上皆嘉納時越獄囚徐碧溪欲潛搆倭深入裒善督  
兵追擒之倭久居柘林諸巢窺伺京口瓜洲等鎮裒善創議  
建城阨險揚州如皋海門泰興舊皆無城裒善亦請如瓜洲  
繕治倭屢寇京口瓜洲海門泰興江陰等處裒善相機堵禦  
斬獲甚眾倭復欲犯留都裒善命指揮韓天祥駕福船以火  
攻之賊遁去方儼埽穴擒渠而竟以言官劾罷歸尋追敘江  
防功升大理卿致仕以疾卒所著有奏議詩文集若干卷藏

於家

開州志

董錦字君衣東明人事繼母甚孝嘉靖十三年舉於鄉除東  
阿縣趙文華奉命征倭道出縣治一時有司皆畏其怙嚴嵩  
勢事之甚謹錦獨以常禮接之調嘉祥縣出東阿積俸代民

完逋賦尋卒於官兩邑俱立祠祀之

東明縣志

李師孔開州人嘉靖十四年貢士陳情歸養壬戌殿試授行

人生平篤於倫理薄宦情有逸民風致卒祀鄉賢大名府志

陳王前東明人性簡約落落不與世伍好施予製學田捐兵

餉濟貧民埋枯骨澤周鄉里以子其獻貴贈河南副使同上

王璣字用衡東明人縣學生以家財盡讓與弟與弟極相友

愛為六安判官禱雨立應後遇歲饑多方賑濟民得生全者

甚眾同上案以上二人不詳年代依府志列李師孔後

張師伊大名人嘉靖十九年舉人歷知浮山項城浙川三縣

有聲遷黃州府判致仕篋中惟圖書數卷即故居家張潭構

室陳書絕跡城市當道高其風時就見之祇相答以一紙耳

嘗撰注縣志有創記若干藏於家吏部即元城董復亨洹水

李養正為刻張黃州詩集行世大名縣志

呂時中字以道清豐人嘉靖二十年進士擢庶吉士遷給事中在垣凡七年屢疏彈劾擢戶部侍郎忤當道致仕鄉居好行其德汲引後進尤力著潭西文集十七卷卒賜祭葬

大名府志

晁璫字君石開州人嘉靖二十年登進士選庶吉士授檢討以父疾疏懇歸養父服除升洗馬授國子監司業卒璫性行

端潔文章雄邁館閣推重之以慕賀知章高風更號鑑湖所著有鑑湖文集晁氏足徵錄祀鄉賢祠子東吳字叔泰嘉靖

三十二年進士選庶吉士文追秦漢尤善摹古法書父子濟

美士林榮之年二十三移疾歸卒

開州志

申樾字儀卿魏縣人申鑄曾孫鑄字鎔範端嚴清介教子必命之耕曰使知所本選金壇主簿病將死無以殮子淵詭語以有贖金可支大事鑄大驚曰汝敗吾平生矣遂面壁臥子

叩頭百餘終不返顧而歿

大名府志

旆成嘉靖二十三年進士授

固始令升刑部主事改兵部彈劾鸞矯恣廷杖謫萊州推官

鸞敗召還歷職方員外郎改吏部考功故事每避嫌謝客旆

交際如常風采凜凜京師謂其鎖心不鎖門云

雍正志

濬縣盧

柁入都詣旆所大哭旆問故柁曰太學賢才淵藪今虛無人

矣旆因試以紫騮馬賦賦成立延爲上客

大名府志

以父憂歸

志

王光祖字子孝魏縣人嘉靖二十三年進士授夏津知縣以

外艱去服除補信陽以行能殊絕召爲監察御史巡視都城

以法繩豪貴不少假大將軍仇鸞謹飭門下毋犯御史出按

遼左虜嘗一入塞將吏受指畫多所斬獲遼帥某不奉法上

疏劾之帥遂誅死嚴嵩嫌之左遷汝寧府會吳中有島寇簡



二千石才者往則調守蘇州未至而寇去吳轉掠江淮以北  
調登州所在惠政流聞久之乃擢爲湖廣按察副使備兵辰  
沅再擢陝西右叅政分守涼州以母老復爲忌者所中遂自  
免歸所餘俸悉推以與弟不問出入日以歡太孺人置義山  
以贍族置義塾義倉義域以公鄉里魏人德之

分省人物考

盧守長垣人嘉靖二十五年歲貢知山東掖縣歷三載任滿  
民赴部請留者數百人例格不允調陝西三水未幾復調河

南鎮陽俱有聲乞歸橐無餘貲

長垣縣志

楊守愚大名人嘉靖二十九年進士任大理評事有能名及  
參議山西大同營兵以缺餉譁囂守愚一言定之晚乃告歸

兩修邑志

大名府志

大名被水有裁歸元城之議守愚力爭乃已

子之大亦以能文世其家

大名府志

王承壽魏縣人少與申旆劉塘稱邑中三傑由歲貢登嘉靖

三十一年鄉薦文益高行益進兵備李脉泉延訓其子且諷

其有所闕白當聽承壽謝不納家無長物一琴一鶴而已一

日鶴死爲瘞鶴文埋之遺命以琴殉葬平生高潔若此

大名府志

徐大壯字子貞長垣人嘉靖三十一年進士授淮安府推官

推南京監察御史巡下江有平寇功賜金幣尋丁父憂起河

南道御史巡按湖廣嘉靖四十三年景王就封德安二大璫

席寵煽虐諸司咸下之大壯悉心開陳王改容嘉納璫亦稍

斂戢未幾王薨帝痛悼二璫欲因以陷諸司大壯語之曰吾

與諸司守封疆知疆事而已公等爲內供奉保王躬王之疾

咎在公等吾爲執法吏欲陳之公顧安所委璫懼不敢復言

事遂已王府有湖田租病民大壯奏罷之明年復按山東以

疾卒年五十二大壯爲諸生時木訥若不能言及爲御史克振風聲而口不言功性好學著校正春秋肯綮廣輿圖敘譜等書祀鄉賢祠

長垣縣志

成宰字以贊長垣人嘉靖三十四年舉人歷安邑蘭陽教諭擢陳留縣善撫字良民而以法繩豪右無所顧遷睢州知州有舉人某爲富不仁宰懲其僕役數人頌聲載路州境野雞岡老提嶺諸處有百十少年椎埋作奸宰置倡首者於法餘遂解散一隸卒夜被殺於北城角干振者微聞人聲喊逐之賊已逸宰曰此不遠籍其處素橫者數輩搜其家得褥下匿刀者血尙鮮其人詭言以刀屠豕宰曰屠豕常事耳何匿爲其人遂讐服宰所至有聲而蹇諤不能諧俗後遂罷歸以經

學教子

長垣縣志

于蕃元城人嘉靖三十七年偕從弟佃應胡宗憲募禦倭宗  
憲令守定海船山佃臨敵退縮法當斬乃號泣曰罪誠當死  
第母老子幼無胞兄弟奈何蕃聞之亦泣曰弟情良苦我有  
二弟四子可以死遂自縛詣軍門請代宗憲義之乃杖佃而  
免其死俞年還鄉得終母養里人嘉蕃行誼聞於有司表其

門

元城縣志

石星字拱辰東明人嘉靖三十八年進士厯官給事中隆慶  
初疏劾宦官滕祥被杖絕而復甦神宗時起故官累遷工部  
尙書數有論諫改戶部覈邊計建白十四事尋遷兵部後以  
封貢日本中蜚語下獄死天啟初事白復官

雍正志

殷煉長垣人厲志力學著述甚富舉嘉靖四十年鄉試除稷  
山知縣未幾卒尙書李化龍其妻姪也少從煉學深得其教

育之力

長垣縣志

穆陳實東明人好讀書尤嗜左國漢魏諸史與石星爲忘年交及星廷杖陳實重繭赴都命子工部郎文熙請急歸經紀石太公家事及文熙再起官吏部以副使歸里陳實無喜愠遇饑兩助賑千金卒年八十

大名府志

穆文熙字敬甫東明人嘉靖四十一年進士官戶部郎中給事石星以疏劾勝祥杖闕下文熙趨救語當事者曰石星死則主上有殺諫臣名矣願公等爲國愛直臣爲萬世自愛當事者感悟星得不死文熙卽挂冠護星旋里朝野嘉其行誼未幾改吏部員外出爲廣東按察副使著逍遙園集行世

東明

縣志

郜永春字子元其先家上黨徙長垣永春生二歲而孤年二

十七成嘉靖四十一年進士除南陵知縣邑故無城而地當四衝屢被倭焚掠永春建議築之以治行擢御史甫數月卽請告同官僉訝之永春日吾母鞠不肖孤備嘗險阻而令甲其封者不可復旌使吾久於官叨有封典則母之勤苦終湮矣遂歸越一年母被旌始起復原職隆慶間御史詹仰庇給事石星以劾馮保滕祥廷杖削籍永春疏救不報未幾巡按河東奏請括西池六小池如唐宋制歸之官行招募採鹽法於南岸報可復請以南陽屬州縣仍行河東鹽歲獲羨金十餘萬劾屯鹽都御史龐尙鵬行事乖刺吏部尙書楊博右尙鵬帝并罷博又言鹽法之壞由勢要橫行大商躐利指吏部侍郎張四維總督王崇古爲勢要四維父崇古弟爲大商直聲震一時先是永春座主高拱欲假永春巡方修卻於徐階

永春以不敢傾賢宰辭忤之繼復以事忤張居正至是則顯  
與四維博樹敵矣未幾四維入閣博再掌吏部永春遂告歸  
旋除福建叅議實陰黜之也再疏辭屏迹邵村一十六年萬  
厯丁亥以給事陳與郊薦起關內道叅議累遷山西按察使  
大修戰具而忌者以前巡鹽事劾之乃引疾家居年七十八  
卒著問學指南論孟大義三儒言行錄諸書祀鄉賢及南陵

河東名宦祠

長垣縣志

李峩清豐人性孝友方正以明經任山西崞縣訓導因父母  
不服水土告歸督學及巡撫嘉其孝思於嘉靖四十二年題  
請分俸養親歲給銀十八兩厯二十五年

清豐縣志

竇如蘭字子化大名人嘉靖四十四年進士除石首縣縣苦  
徭賦不均如蘭躬履抽丈凡均徭水冊支應等役照稅徵募

立爲定式調襄陽或勸以稍自貶損笑曰薑桂之性不能改也踰年轉南京戶部主事司京口揚州等鈔秩滿去官一塵不染萬曆三年考績北上乞假省親卒於家子生榮字茂實由貢爲桐城訓導天啟中左光斗羅璫禍死坐贓累萬賴生榮居間左氏子孫得保全後攝桐城縣三月竟投劾歸晚號

錦堂世稱錦堂先生

大名縣志

王循吉字惟一開州人潛心理學齋居十年著五經圖說帝

王憂世心法諸圖說獻世宗賜處士號竝敕修明道書院俾

教授生徒

開州志

趙君輔長垣人家貧夫婦耕織日市餅肉供母雖歲凶不少

缺母卒廬墓三年

雍正志

徐信長垣人嘉靖年輸粟百石助貧生

長垣縣志



郭思極字致中魏縣人隆慶二年進士雍正志授遂平如縣以

才能兼攝西平皆有聲大名縣志擢御史晉大理少卿尋升僉都

御史巡撫應天以憂歸遂未起時年方強仕人咸以未盡其

用惜之當初議撫倭時思極曰此敗局也後果敗問何以知

之曰沈惟敬細人也輕信其言焉得不敗雍正志

鄭國士字允升魏縣人隆慶二年進士充庶吉士歷御史累

官鄖陽巡撫再劾權璫致仕家居卒賜祭葬祀鄉賢大名府志

袁旦大名人隆慶五年任西路通判築邊垣濬河渠以清勤

著聲甘肅通志

成遜字惟謙長垣人隆慶五年進士知南陽有惠政徵授吏

部主事歷山東叅議永平兵備副使進按察使鎮遼薊擢僉

都御史巡撫順天未行值西甯兵變三屯營卒乘勢譁聒遜

撫定之卽移疾歸祀鄉賢并南陽名宦祠

長垣縣志

劉默字養言大名人父繼善以長厚重里閭默舉萬曆元年鄉試授扶溝縣均徭禮士吏畏民懷升徽州府通判有巨商以千金饋拒不納豪右斂戢遷平涼同知時儲精支絀士無宿飽默重價招商百貨翔集以績晉刑部郎多平反年八十四卒子遵憲字可權萬曆三十二年進士除壽張縣調滋陽滋陽苦汶泗衝決遵憲建議築隄九閱月而隄成升戶部主事改兵部晉職方郎中人不敢于私四十二年遷武德道尋改西甯攝涼州大修屯田捷書四奏以憂歸起大同左衛歷按察布政司天啟二年擢巡撫移市於關外邊人便之五年晉兵部右侍郎魏忠賢從子良卿援世宗時故事乞免考察遵憲上疏力爭忠賢嫌之以邊功晉尙書仍管侍郎事再

疏乞侍養歸崇禎三年廷推工部尙書不赴八年始之官值  
都城戒嚴一切守具責辦頃刻不遑寢處者三月以疾乞休  
不許前此司屬奉差無定序遵憲題定差規以資俸爲等差  
至抵差報滿諸饋獻及監督營繕二分扣除諸陋規盡革除  
九年考滿賜銀鈔廕一子加太子太保奉命修築外城九月  
而工竣是時上責備嚴急速斥無虛月遵憲每日時正需才  
豈可過爲摧折故於諸司屬皆曲意護持十三年大饑人相  
食請飭所司賑恤允行四月召對文華殿賜坐獎以清勤遵  
憲性恬介退朝則兀坐小室披書啜茗門無車馬之音署中  
有廢亭稍加修葺與左右侍郎嘯歌其中名曰友聲亭歸然  
負枚卜重望矣以櫻熱中者忌遂堅臥不出章十餘上乃許  
歸時崇禎十六年也閣部大臣以罪去者七十餘人而遵憲

獨以清端受知遵憲子六德敦孝友博極羣書下筆輒千萬

言與盧柟齊名

大名縣志

王一元魏縣人工舉業兵備道王世貞試十二學諸生一元

第一領萬厯元年鄉薦潛心聖學著大學中庸講義

大名府志不

謁公府不設私宴人罕見其面而殮死恤貧如恐不及

分省人物

考人稱爲獨行君子

大名府志

李化龍字于田長垣人萬厯二年進士除嵩縣知縣年甫二

十胥吏易之化龍陰察其奸悉置之法縣中大治遷南京工

部主事厯右通政使二十二年夏擢右僉都御史巡撫遼東

初總兵官李成梁破殺秦甯速把亥其子把兔兄弟炒花據

舊遼陽以北居兩河之中益結土蠻爲患其年四月把兔兒

圍遼陽朵顏小歹青福餘伯言兒分犯錦義掠清細河巡撫

韓取善坐免化龍受事甫兩月把兔兒與伯言兒等寇鎮武  
又約土蠻子卜吉台周犯右屯把兔兒先至吳家墳化龍與  
總兵官董一元定計先擊把兔伯言兒伯言兒中流矢死把  
兔被傷卜言台周至攻右屯不利亦解去於是把兔小歹青  
卜言台周益相結謀復前恥化龍與一元嚴備之一元又出  
塞搗巢有功而把兔傷重竟死邊塞讐服晉兵部右侍郎明  
年小歹青悔過款塞請開木市於義州且告朵顏長昂將犯  
邊已長昂果犯錦義副總兵李如梅擊卻之歹青言旣信化  
龍遂許其請上疏曰環遼皆敵也迤北土蠻種類多不可數  
近邊者直甯前則長昂直錦義則小歹青直廣甯遼瀋則把  
兔炒花花大直開鐵則伯言煖兔其在東邊海西則猛骨孛  
羅那林孛羅卜寨皆與遼地項背相望垣牆圍獵則刁斗聲

相聞蓋肘腋憂也自那卜被剿數年東陲無事去年把免伯言戰死炒花花大一敗塗地今伯言子宰賽受罰入市廣寧遼瀋開鐵閒警報漸希所未馴服者惟小歹青與長昂耳小歹青素兇狡雄長諸部西助長昂東助炒花大舉動以數萬小竊則飛騎出沒錦義間自周之望柏朝翠戰沒無敢以一矢加遺凌河上下方數百里野多暴骨民無寧宇追慮者每以河西不保爲虞今乃叩關求市臣徧詢將領及彼地居民僉言木市開有五利河西無木皆在邊外叛亂以來仰給河東以邊警又不時至故河西木貴於玉市通則材木不可勝用利一所疑於歹青者無信耳彼重市爲庄路當市時必不行掠卽今年市而明年掠我已收今年不掠之利矣利二遼東馬市成祖所開無他賞本聽商民與交易木市與馬市等

有利於民不費於官利三大舉之害酷而希零竊之害輕而  
數小歹青不掠錦義零竊少矣又西不助長昂東不助炒花  
則敵勢漸分卽寧前廣寧患亦漸減且大舉先報又得預爲  
備利四零竊旣希邊人益得修備利五疏入從之尋以病去  
木市亦停止其後總兵官馬林復議開市與巡撫李植相左  
論久不決小歹青遂復爲寇云二十七年三月化龍起故官  
總督湖廣川貴軍務兼巡撫四川討播州叛臣楊應龍應龍  
之先日楊鑑明初內附授宣慰使應龍性猜狠嗜殺數從征  
調恃功驕蹇知川兵脆弱陰有據蜀志間出剽州縣嬖小妻  
田雌鳳讒殺妻張氏屠其家用誅罰立威所屬五司七姓不  
堪其虐走貴州告變巡撫葉夢熊疏請大征詔不聽逮繫重  
慶獄應龍詭將兵征倭自效得脫歸復逮不出四川巡撫王

繼光發兵討覆於白石應龍諉罪諸苗朝廷命邢玠總督值東西用兵勢未能窮治因招撫之應龍益結生苗奪五司七姓地并湖貴四十八屯以畀之歲出侵掠是年二月敗官軍於飛練堡都司楊國柱指揮李廷棟等皆死已復破殺綦江叅將房嘉寵游擊張良賢投屍蔽江下僞軍師孫時泰請直取重慶搗成都劫蜀王爲質而應龍遷延聲言爭地界翼曲赦如曩時化龍至成都徵兵未至亦謬爲好言縻之帝聞綦江破大怒追褫前四川貴州巡撫譚希思江東之職而賜化龍劍假便宜討賊賊焚東坡爛橋梗湖貴路又焚龍泉走都司楊惟忠化龍劾諸大帥不用命者沈尙文逮治童元鎮劉縱皆革職充爲事官諸軍大集化龍先檄水西兵三萬守貴州斷招苗路乃移重慶大誓文武明年二月分八道進兵川



師四路總兵劉綎由綦江總兵官馬孔英由南川總兵官吳  
廣由合江副將曹希彬受廣節制由永寧黔師三路總兵官  
童元鎮由烏江叅將朱鶴齡受元鎮節制統宣慰使安疆臣  
由沙溪總兵官李應祥由興隆楚師一路分兩翼總兵官陳  
璘由偏橋副總兵陳良玘受璘節制由龍泉每路兵三萬官  
兵三之士司七之貴州巡撫郭子章駐貴陽湖廣巡撫支可  
大移沅州化龍自將中軍策應帝以楚地遼闊又擢江鐸爲  
僉都御史巡撫偏沅湖廣設偏沅巡撫自鐸始也烏江兵敗  
績逮下元鎮於理諸將益奮綎先入婁山關直抵海龍圍璘  
疆臣兵亦至賊勢急上固死守遣使詐降化龍檄諸將斬使  
焚書以綎與應龍有舊諭無通賊綎械其人以自明八路兵  
皆會圍下築長圍困之更番迭攻六月綎破土月二城應龍

寤與二妾俱縊明晨官軍入城七子皆被執召磔應龍屍并子朝棟於市計自出師至滅賊凡百有十四日播目唐乾符中人楊氏二十九世八百餘年至應龍而絕以其地置遵義平越二府分屬川貴化龍初聞父喪以金革起復至是乞歸終制三十年四月起工部右侍郎總理河道與淮楊巡撫李三才奏開淤河由直河入泲口抵夏鎮二百六十里避黃河呂梁之險再以憂去未代敘前平播功晉兵部尙書加少保廕一子世錦衣指揮使三十五年夏起戎政尙書化龍以京營根本奏陳十一濫十二苦十九宜又上屯政十二事皆置不理兵部自二十七年後左右侍郎皆空署未幾尙書蕭大亨亦致仕化龍掌部事三十七年正月京師訛言寇至民爭避匿邊民逃入都門者亦數萬九門晝閉輔臣言兵部尙書

惟一人可以應猝變帝亦不報遼戰士二萬餘皆老弱而稅  
監高淮肆虐遼人切齒化龍請停稅課且增兵萬人又條上  
兵食款戰之策帝皆不報一品秩滿加柱國少傅兼太子太  
保卒官年七十謚襄毅贈少師加贈太師化龍具文武才播  
州之役以劉綖騎蹇先摧挫之而薦其才故綖為盡力開河  
之功為漕渠永利明史

董復亨字太初元城人讀書十行俱下文章冠一時萬曆五

年成進士知章邱政尚寬平元城縣志聞張居正柄國告歸山東通志

尋擢兵部郎調吏部有清通簡要之譽典楚試錄楊漣鍾惺

皆為名臣未幾遂乞休著繁露園集行世元城縣志

魏允貞字懋忠南樂人萬曆五年進士授荊州推官大學士

張居正歸葬羣吏趨事恐後允貞獨不赴且扶其奴以治行

最徵授御史吏部尙書梁夢龍罷允貞言銓衡任重往者會  
推之前所司率受指執政或司禮中官以故用非其人帝納  
其言特用嚴清中外翕服俄劾兵部尙書吳兌兌引去已陳  
時弊四事言自居正竊柄吏兵二部遷除必先關白故所用  
悉其私人陛下宜與輔臣精察二部之長而以其職事歸之  
使輔臣不侵部臣之權以行其私部臣亦不乘輔臣之間以  
自行其私則官方自肅自居正三子連登制科流弊迄今未  
已請自今輔臣子弟中式俟致政之後始許延對庶倖門稍  
杜自居正惡聞讜言每遇科道員缺率擇才性便給工諂媚  
善逢迎者授之致昌言不聞佞臣得志自今考選時陛下宜  
嚴敕所司毋循故轍俺答自通市以來邊備懈弛三軍月餉  
旣剋其半以充市賞復剋其半以奉要人士無宿飽何能禦

寇至遼左戰功尤可駭異軍聲則日振於前生齒則日減於舊奏報失真遷敘踰格賞罰無章何以能國哉疏入下都察院先是居正旣私其子他輔臣呂調陽子興周張四維子泰徵甲徵申時行子用懋皆相繼得舉甲徵用懋將廷對而允貞疏適上四維大愠言臣待罪政府無所不當聞今因前人行私而欲臣不預聞吏兵二部事非制也因爲子白誣且乞骸骨時行亦疏辨帝竝慰留而責允貞言過當戶部員外郎李三才奏允貞言是竝貶秩調外允貞得許州判官給事中御史周邦傑趙卿等論救不納允貞雖謫然自是輔臣居位其子無復登第者久之累遷右通政二十一年以右僉都御史巡撫山西允貞素剛果清操絕俗以所部地瘠民貧力裁幕府歲供及州縣冗費以其銀數萬繕亭障建烽堠置器市

馬易粟又奏免平陽歲額站銀八萬以所省郵傳羨補之雁門平定軍以漕屯糧竄徙允貞奏除其租招令復業岢嵐互市省撫賞銀六萬汾州有兩郡王宗人與軍民雜處知州秩卑不能制奏改爲府自款市成邊政廢允貞視要害築邊牆萬有餘丈政聲大著帝亦數嘉其能會召中官張忠採礦山西允貞抗疏極諫不報已西河王知燧請開解州安邑絳縣礦以儀賓督之指揮王守信請開平定稷山諸礦帝並報允貞恐民愈擾請令忠兼領亦不納三殿災詔求直言允貞言咎在輔臣歷數趙志皋張位罪且日前二臣以二月加恩踰月而宮災今年又加恩而三殿復災天意昭然位等力辨求罷帝慰留責允貞邊臣不當言朝事因屢推不用遂肆狂言奪俸五月頃之允貞疏舉遺賢請詔還王家屏陳有年沈

鯉李世達王汝訓及小臣史孟麟張棟萬國欽馬經綸顧憲成趙南星鄒元標等疏留中以久次進右副都御史二十八年春疏陳時政缺失言行取諸臣幾經論薦陛下猶不輕予一官彼魯坤馬堂高淮孫朝輩試之何事舉之何人乃令其銜命橫行生殺予奪恣出其口廷臣所陳率國家大計一皆寢閣甚者嚴譴隨之彼報稅之徒悉無賴奸人鄉黨不齒顧乃朝奏夕報如響應聲臣不解也胥徒入鄉民間猶擾況緹騎四出如虎若狼家室立破如吳寶秀華鈺諸人禍至慘矣而陛下曾不一念及錢穀出入上下相稽猶多奸弊敕使手握利權動逾數萬有司不敢問撫按不敢聞豈無吮膏血以自肥者而陛下曾不一察及金取於滇不足不止珠取於海不罄不止錦綺取於吳越不極奇巧不止乃元老聽其投閒

直臣幾於永錮是陛下之愛賢士曾不如愛珠玉錦綺也疏  
奏亦不省先是張忠以開礦至後孫朝復至權稅誅求百方  
允貞每事裁抑會忠杖死太平典史武三傑朝使者逼殺建  
雄縣丞李逢春允貞疏暴其罪朝怒劾允貞抗命沮撓帝留  
允貞疏不下而下朝疏於部院吏部尚書李戴都御史溫純  
等力稱允貞賢請下允貞疏平議帝並留中山西軍民數十  
恐允貞去相率詣闕懇寃兩京言官亦連章論救帝乃兩置  
不問明年忠以夏縣知縣袁應春抗禮劾貶之允貞請留應  
春不報允貞父已九十餘允貞歲歲乞侍養章二十上廷議  
以敕使害民非允貞不能制固留之其年五月請益力始聽  
歸士民爲立祠已閱視者奏允貞守邊勞卽家進兵部右侍  
郎尋卒天啟初追諡介肅弟允中允孚允中爲諸生時副使



王世貞大器之歲鄉試世貞戒門吏曰非魏允中第一無伐鼓以傳也已而果然時無錫顧憲成漳浦劉廷蘭並爲舉首負雋才時人稱三解元尋與廷蘭舉萬厯八年進士張居正專政允中廷蘭各上書座主申時行勸之補救時行不能用允中尋授太常博士擢吏部稽勳主事調考功未幾卒弟允孚舉進士官刑部郎中亦有名

明史

爲人峭直剛正世稱南樂

三魏

大名府志

劉懷恕字心田東明人萬厯五年進士除長洲縣

東明縣志時值

螟螣又大水者三年而誅求之令甚於東溼懷恕先穰區次殷戶立限取盈其水鄉單民則緩之故歲凶而賦不甚虧邑多汙萊前令雖嘗議補經制未一至是丈田得羨糧或議以哀各良田畝三合懷恕曰此於良田不足爲恩曷若通入汙

萊之爲使乎議上得允遂爲定制

蘇州府志

復修吳門堤吳人賴

之徵授御史彈劾有聲按淮揚三月而逐三墨吏復按山西  
條畫邊事尤多兩京災疏請賑濟全活無算時以督修九門  
功當內轉懷恕辭不拜久之始陞大理丞遭兩親喪哀毀骨  
立家居二十載不赴補己用薦廷推爲鄖陽巡撫兼都御史  
未幾卒長垣崔景榮銘其墓曰法以廉介以嚴風采嶽嶽深  
以潛蓋確論也蒲城郤煥元爲作傳

東明縣志

朱之揚字顯卿大名人以儒士舉萬曆十年鄉試大名儒十  
中式自之揚始二十年署藁城教諭執經問難相錯於廷貧  
不能婚喪者捐俸助之陞宜君縣縣故獷悍多逋賦之揚下  
車期月逋賦悉完中使欲開礦之揚力遏之謫河南布政司  
檢校攝祥符縣事所獲羨餘悉儲庫擢英山縣調礪山礪山

河數遭水患之揚至繕城築隄民賴以安子允升允盛允升國學生精易數不仕允盛庠生以好義稱

大名縣志

趙承芳長垣人萬厯十年舉人孝友慈良闔邑稱為長者巡

按孔貞一疏其廬墓諸行於朝賜匾曰仁賢傳振又奏薦復

賜匾曰眞孝廉

大名府志

崔景榮字自強長垣人萬厯十一年進士授平陽推官擢御

史明時青宮久虛宦官張鯨有異圖景榮劾鯨不法十二事

鯨乃治罪而儲位遂定

畿輔人物考

奉命巡按甘肅湖廣河南四

川十八年播州亂景榮監大帥劉綎吳廣輩軍綎馳金帛至

景榮家爲其父壽景榮上疏劾之播州平或請以播北畀安

氏景榮不可會總督李化龍憂去景榮爲請蠲蜀一歲租卹

上東五路罷礦使晉太僕少卿擢右僉都御史巡撫甯夏銀

定素驕歲入掠景榮親督戰破之因議革導賊諸部賞諸部  
懼請與銀定絕銀定既失導亦叩關求市甯夏歲市費不資  
景榮議省之在任三年僅一市而已其後延鎮吉能等挾款  
求補市卒弗許歲省金錢十餘萬四十一年入爲兵部右侍  
郎總京營戎政改吏部以疾辭去踰年起宣府大同總督召  
還晉兵部尙書會遼瀋失熊廷弼王化貞議不協命廷臣議  
經撫去留景榮數爲言官所論御史方震孺請罷景榮以孫  
承宗代之遂引疾歸天啟四年十一月特起爲吏部尙書時  
魏忠賢盜國柄羣小更相倚附遂尙書趙南星卽家起景榮  
欲倚爲助比至忠賢飾大宅以待景榮不赴錦衣帥田爾耕  
來謁又辭不見帝幸太學忠賢欲先一日聽祭酒講議裁諸  
聽講大臣賜坐賜茶禮又議減考選員額汰京堂添注官景

榮皆力持不行浸忤忠賢指又移書魏廣微勸其申救楊漣  
左光斗廣微不得已爲具揭尋以景榮書爲徵曰景榮教我  
也於是御史倪文煥門克新先後劾景榮陰護東林旨削奪  
爲民崇禎改元復原職四年卒贈少保

明史

成蓮字惟清長垣人睢州知州宰子敦品績學御史表爲篤  
行君子著適和堂繼集以宰詩名適和堂也子伯龍仲龍少  
龍伯龍字爲蒼萬曆二十三年進士知曹縣有諤諤聲歷十  
年擢南京吏部主事改戶部調北京擢郎中司餉大同累遷  
山西副使引疾歸所爲古文詞與同邑李于田南樂魏仲子  
齊名少龍年十九舉萬曆己酉鄉試著鷓鴣園集仲龍自有  
傳

長垣  
縣志

崔邦亮字德嚴東明人萬曆丙戌進士知渭南豁達明敏人

莫敢欺而禮賢好士如飢食渴飲任六年徵授御史累官順

天府丞

陝西通志

朱爵開州人萬曆十四年進士任荏平知縣召爲吏科給事中嘗論時政闕失因疏趙志臬張位寢閣壅蔽罪不報尋切諫三王並封且論救朱維京王如堅等復劾志臬位私同年羅萬化爲吏部謫山西按察知事卒於家天啟中贈太僕寺

卿

明史

李景元字伯善大名人萬曆十七年進士授戶部主事管理太倉以廉幹發聲改禮部尋遷員外郎出爲河南副使備兵汝州汝故凋敝景元善撫字漸改觀調甘州兩敗火落赤復搗其巢穴斬首千餘拓西陲版圖千里晉按察使分巡冀寧累遷都察院右僉都御史巡撫山西厲風節黜貪殘詰戎兵

省徭役殫心興革而務從民便有不便者卽大璫大豪挾詔  
旨弗顧也居官六年積羨金十餘萬悉出以充邊儲疏請蠲  
荒租聽民開墾闢草萊爲沃壤者凡數千畝儲米菽十餘萬  
石軍民賴之秩滿晉副都御史巡撫如故尋丁內外艱會河  
事急卽家起工部右侍郎兼都察院右僉都御史總督河道  
未赴卒年五十二贈右都御史子延洪崇禎十五年舉人

縣志

大名

董漢儒開州人萬曆十七年進士授河南府推官入爲戶部  
主事疏陳減織造裁冒濫諸事且曰爾來九閭三殿間惟聞  
縱酒淫刑黷貨時事可憂不止國計日絀已也不報朝鮮再  
用兵以郎中出理餉務遷山東僉事進副使歷湖廣左右布  
政使所在有聲四十年就拜右副都御史巡撫其地帝賜福

王莊田責湖廣四千四百餘頃漢儒以無所得田請歲輸萬金代租不聽楚宗五十餘人許假王事獲罪囚十載漢儒力言王假也請釋繫者又爲滿朝薦卞孔時等乞宥俱不報憂歸光宗立召拜工部右侍郎旋改兵部總督宣府大同山西軍務天啟改元遼陽失簡精卒二千入衛詔褒之明年秋以左侍郎協理戎政未上擢兵部尙書時遼地盡亡漢儒請逮治諸降將家屬誅逃將蔡汝賢等報可毛文龍居海外屢以虛言誑中朝漢儒言文龍計畫疎未可恃又請誅逃將管大藩張思任孟淑孔等語甚切帝命逮治思任等而大藩卒置不問諸鎮援遼軍多逃逸有出塞投插部者漢儒請捕獲立誅同伍相擒捕者重賞且給餉以時則逃者自少帝亦嘉納閩人王體乾宋晉魏忠賢等十二人有舊勞命所廕錦衣官



皆予世襲漢儒據祖制力爭帝不從以母喪歸後忠賢大橫  
漢儒服闋遂不召追敘甘肅功卽家進太子太保廕子錦衣

百戶卒贈少保諡肅敏

明史

李庭芳字元明魏縣人萬曆十九年舉人選房山教諭歷國  
子監丞工部主事員外以忤璫奪官璫敗起南京戶部郎中  
筦舊錢局革陋規裁冗費省帑金萬餘陞河東道副使引年

歸年八十八卒

大名縣志

邢琦字用蘊開州人萬曆二十二年領鄉薦知蓬萊縣地故  
磽瘠復以軍興積逋賦病民琦刻意清釐循聲卓著遷淮南  
通判有治河功以忤巨室免官未幾起漢陽推官人以邢鐵  
面呼之擢南京工部郎中出爲嚴州府嚴歲輸上供絹民甚  
苦之琦力爲請豁尋爲要津所齟齬遂歸卒祀鄉賢及蓬萊

名宦祠

開州志

錢通元城人由舉人萬厯中官平涼同知倡明理學絕賄賂

居官清介又和以御下卒祀鄉賢

大名府志

任光裕字震寰大名人中萬厯二十二年鄉試官汶上知縣

清操絕俗子六人俱茂才異等

同上

顏悅道號瑯琊魏縣人萬厯二十三年進士官歸德知府時

境內大荒悅道具文請賑不俟命下卽行巡撫責其專悅道

援汲黯事以應巡撫曰黯出使河內道遠勢不能速故矯詔

耳今相距咫尺何不候詳耶悅道曰道雖近而災實甚若待

詳允當索吾民於枯魚之肆矣當事者卒無以難

大名縣志

朱冠字元甫清豐人父憲文有至行閭里重之冠舉萬厯二

十三年進士知安陽值歲旱冠督民鑿井溉田人共迂之冠

不爲輟得井數千所溉無算西門豹所鑿十二渠久廢莫有  
知者冠徧訪遺迹得萬金渠珍珠泉二區拓爲巨浸復開支  
渠溉田幾千頃又設法積穀二十萬石安陽自是不憂凶歲  
尤留心刑獄厯官三年開釋無辜七十餘人舉卓異第一徵  
授禮部主事持節封延津王不受饋遺改文選司覈殿最甚  
勤不恤嫌怨會冬選衣冠趨朝以暴疾卒喪歸里人爲罷市  
天啟二年入鄉賢祠安陽人卽所治水處肖像立祠祀之子

世煒世燦俱貢生

清豐縣志

陳所志字白於魏縣人萬曆二十五年舉人學有經濟尤長  
古文詞時魏苦漳患知縣田大年築隄禦之使北徙而廣平  
諸縣屢受其災謀復移之大名給事中王德完疏請塞北流  
導仍回隆至小灘入御河以濟運下所司議所志作疏漳議

上之當道事遂寢由是終明世魏無漳患所志之力也未仕

卒

大名縣志

李養正字若蒙其先居山西襄垣徙魏縣侍父萬策遊河南有宗藩某欲妻以女堅辭之舉萬歷二十六年進士除聞喜縣調光山罷長潭夫馬歲省供億千萬金豪猾大盜皆以計擒其魁治之餘眾悉解散以卓異徵授吏部主事進郎中歷稽勳文選司屢疏請簡用吏部侍郎李誌兵部侍郎崔景榮詞甚剴切帝爲感動晉太常卿尋乞假歸卽家拜右僉都御史巡撫河南號令風行案無留牘遷戶部侍郎總督漕運再疏辭天啟元年始之官值大水疏乞改漕折賑飢民增額兵儲糧餉以備不虞疏甫上而山東白蓮教叛漕艘皆燬不敢發養正遣守備朱兆南游擊焦續後陳所學等討平之晉大

子少保廕一子入監讀書陞南京刑部尙書連疏乞休予告  
歸五年起北京刑部尙書借吏部尙書崔景榮數詣政府救  
詔獄諸臣忤逆閹魏忠賢遂稱疾歸崇禎元年起南京刑部  
尙書辭不赴卒於家子蒞廕左軍都督府經歷

大名縣志

李先成長垣人萬曆三十一年舉人知平遙縣以扶弱抑強  
著聲卒於官人皆惜之

山西通志

郭增光其先家山西洪洞徙大名父崇智縣諸生天性介特  
家徒壁立而交際極嚴有富翁欲妻增光以女崇智謝卻之  
增光舉萬曆三十五年進士歷知金鄉萊陽濰縣

大名縣志萊陽縣志

邑劇賦煩民輒他徙增光力請蠲復戶口頓充濰多大猾增  
光畫策擒治請賑濟飢復率兵解安邱圍平土寇聲績卓著

康熙累遷右僉都御史巡撫河南叅政周鏘與魏忠賢從子

志

良卿爲忠賢建生祠增光遂引疾歸

大名縣志

王家楨長垣人萬曆三十五年進士天啟間歷官右僉都御史巡撫甘肅松山部長銀錠歹成擾西鄙二十餘年家楨三卻之擢戶部右侍郎尋轉左崇禎元年攝部事邊餉不以時發遼東兵鼓譟巡撫畢自肅自縊死帝大怒削家楨籍已敘甘肅功復其冠帶九年七月京師被兵起兵部左侍郎尋兼右僉都御史代盧象昇總理河南湖廣山西陝西四川江北軍務會河南巡撫陳必謙罷卽命兼之督將士會勦賊馬逆忠等於南陽復遣兵救襄陽大戰牌樓閣其冬家丁鼓譟燒開封西門家楨夜自外歸慰諭犒賞詰旦發往南陽討土寇楊四以去楊四者舞陽劇盜也前降於必謙至是復叛故有是遣其後南陽同知萬年策與監紀推官湯開遠諸將左良

王牟文綬等連破楊四四焚死其黨亦爲諸將所擒誅云當是時流賊盡趨江北留都震驚言者謂家楨奉命討安慶賊未嘗一出中州帝亦以家丁之變心輕之明年四月乃以總理授熊文燦令家楨專撫河南未至詔遣左良玉援安慶秋賊犯開封陴將李春貴等戰沒家楨遂落職久之李自成陷京師遣兵據長垣設僞官家楨與其子元玠自經死

明史

本朝俱賜諡忠節

勝朝殉節錄

杜斗愚清豐人萬曆三十七年舉人知富陽縣尋罷歸崇禎

壬午領貲守城城陷不屈死子驥自有傳

清豐縣志

本朝賜諡節愍

勝朝殉節錄

徐柟字材甫號瞻愚大名人萬曆三十八年進士授工部主

事丁外艱起兵部車駕司覈冒濫衛軍七百餘名以能聞擢

考功郎時魏忠賢勢方張柟不與通忠賢使人諷之不答遂  
矯旨削籍崇禎初起光祿寺添註少卿典山西試所拔王廷  
諫等皆知名士晉太僕寺少卿遂致仕時廷諫知魏縣數謁  
柟終不納且遣人語之曰人言可畏勿以師生故數枉駕也

大名  
縣志

王時和字調元魏縣人萬曆三十八年進士除淄川縣以惠  
稱擢禮部主事改戶部權關清源發內監私帶織造龍袍監  
怒率其屬操戈喧譁時和不爲動卒如法按治差竣有羨金  
三千悉解部出爲蘇州府值逆閹矯詔建祠時和不拜主者  
怒飛騎馳白逆閹而熹宗崩逆閹敗得免尋乞侍養歸  
大名  
縣志  
楊紹震號湛元東明人萬曆四十一年進士歷知朝邑黟縣  
俱有異政天啟七年八月熹宗崩莊烈帝踐阼安置魏忠賢



於鳳陽紹震疏請與崔呈秀立正典刑並飭有司嚴覈其義  
子義孫究治未幾忠賢自縊死詔並呈秀戮尸紹震復奏決

勝實著等疏凡十一上不行遂掛冠歸

東明縣志

鄭仰元魏縣人萬曆四十三年舉人

雍正志

知考城創建磚城

有功於民

河南通志

劉璧星字聚五東明人領萬曆四十三年鄉薦知卽墨縣有  
聲尋罷歸李自成陷京師遣王秉衡爲東明令璧星與同里  
張力范春駿李允樟辛廣慈密謀起義遂於五月望日各率  
家丁十餘人突入解署誅秉衡僞部總張夢熊吏胥程抱六  
等爲秉衡報復執璧星等送賊將劉宗敏營俱罵賊死力字  
扛侯崇禎丁丑進士任山東萊州府推官以入覲便道還秉  
衡之誅其首倡也春駿字倩美天啟甲子舉人歷知商南崇

信聲績卓著允禕字若榎官武英殿中書均以事家居廣慈  
字航海邑諸生兄廣恩避亂南下廣慈獨留備受秉衡窘辱  
而竟與密謀誅之廣恩痛其死爲作五君子殉難傳

東明縣志

本朝賜諡烈愍

勝朝殉節錄

張明遠元城人萬曆四十三年舉人弟行遠志遠戊午舉人  
俱以文名著時稱河北三鳳父應鳳卒行遠執喪盡禮弟兄  
皆不仕行遠子調鼎進士調甯丹陽知縣

李其紀清豐人萬曆四十四年進士官吏部郎中崇禎庚辰  
辛巳歲大饑人相食其紀煮糜助賑全活無算壬午兵至傾

家貲助守城力竭城陷不屈死體無完膚

清豐縣志

本朝賜諡烈愍

勝朝殉節錄

許宗禮字立台長垣人萬曆丙辰進士除孝義縣調榆次天

啟間行取戶科給事中時議改浙漕爲折色宗禮力爭之尋

轉吏科都給事累遷吏部左侍郎廕一子

長垣縣志

魏鳴世字景德長垣人萬曆四十四年歲貢以孝聞舉德行授延慶州永甯縣訓導永甯邊陲地罕絃誦聲鳴世勸課甚勤始有科第陞山西壽陽縣居官僅二年而寬徭役決疑獄除虎患善政甚多以親老乞侍養年八十六卒著古柏山房

集

同上

張五友字欽予東明人萬曆四十六年舉人性恬淡精數學嘗測算城輒數悉符年八十猶孜孜誦讀書日益錄

大名府志

楊文昌字六星長垣人萬曆四十七年進士知汝陽邑當豫

楚衝直指提學歲一至供給皆取於市厘文昌獨用官錢置

備不以累民山東妖寇徐鴻作亂汝潁盜韓應龍脅眾數千

相煽和文昌請上官調兵擒應龍餘黨悉解散擢兵科給事中疏言內臣權勢太盛恐不利國家宜復太祖舊制不許讀書識字干預政事忠賢大怒會丁母艱歸莊烈帝嗣位補戶科右給事申疏言李實許顯純助璫殘害忠良今天時亢旱蓋忠良枉死上千天和所致若斬此二人必雨不雨臣甘任妄言之罪又論溫體仁奸欺田妃服御過制幾獲嚴譴而士論避之尋遷刑科左給事中條陳四事一言杜勝管當三省之衝軍民雜處宜設道臣彈壓一言涿州良鄉京師咽喉宜設重兵護轉輸一言遵永間宜選將練卒以重戍守報聞崇禎三年以疾乞歸年五十八卒性至孝嘗語子弟曰吾父在日苦貧甯知有今日輒泣事母曲意承歡母九十四歲始卒有三兄皆嚴事之著心得錄瑣闡紀事祀鄉賢祠

許莘字師尹大名人萬厯間官雲南府通判興學育才民情

愛戴

雲南通志

時躋舜字元清長垣人博通經史尤精於易由天啟元年歲

貢授完縣訓導崇禎間陞靈壽教諭城陷具衣冠北向拜與

妻李氏二子泰壯俱死之祀名宦祠

長垣縣志

本朝入祀忠義祠

勝朝殉節錄

竇星字平階大名人南京戶部主事如蘭孫也天啟二年進

士除陽信縣募民墾荒不責其稅久之遂悉為沃壤調壽光

馭胥吏嚴莫敢亂法兩邑皆尸祝之擢戶部郎中督理太倉

糧儲授濟南府會登州兵變支應旁午而無不立辦遂以捷

聞尋丁外艱歸卒

大名縣志

陳廣心元城人天啟元年舉人官趙州教諭崇禎十五年

大清兵臨城衣冠危坐諸子環泣請避厲聲曰生平所學何事

豈爲兒女戀戀耶遂被殺明史

本朝入祀忠義祠勝朝殉節錄

張三傑字任吾天啟元年舉人官戶部員外郎崇禎末李自

成陷京師三傑被執不屈死雍正志

本朝賜諡節愍勝朝殉節錄

劉紹璇魏縣人幼孤事母至孝天啟元年領鄉薦授通州學

正陞常甯縣民以賈父呼之轉潞府審理正不赴歸家居四

十年多善行闖逆之變其家人請遷徙紹璇曰禍可倖免乎

不去賊聞其誼相戒毋犯以上壽終大名府志

蘇慶錫長垣人天啟間諸生性純孝母唐氏患熱病思食冰

時值秋月冰不可得慶錫供水一盃泣禱於天風驟寒結薄

冰特以奉母病竟瘳

長垣縣志

靳聖居字淑孔長垣人崇禎元年進士歷知濟源萊陽二縣

屢謫復起十六年為慶陽推官旋授刑部主事未行而李自

成陷西安傳檄誘降聖居偕慶陽守段復興裂其檄集眾守

城踰月城陷死

明史

本朝賜諡烈愍

勝朝殉節錄

張宏道字抱一長垣人崇禎元年進士除壽光縣時奸民惑

白蓮教隱相煽和宏道多方解散之尋以憂歸服闋補蘭陽

縣創建甌城多善政擢刑部主事遷郎中戚繼光子嗣宗以

委城論死力申雪之出為河北兵備副使進叅政流寇圍汴

晝策捍禦復疏乞援師召為太僕寺少卿乞歸祀蘭陽名宦

祠

長垣縣志

杜廷連字彝仲長垣人崇禎元年進士官大理寺評事用法  
平允擢御史巡視兩關貪污斂戢人以清白吏呼之長垣縣志  
李廷表字鳳池大名人由歲貢任良鄉訓導崇禎二年

大清兵薄城廷表同知縣黨還醕乘城拒守力竭城陷死子元  
燁亦以身殉贈廷表國子監學正給驛歸其喪廕五經博士

大名縣志

本朝入祀忠義祠

勝朝殉節錄

董三齊字表漱東明人少聰敏日記數千言舉崇禎三年鄉  
試選大同推官以廉平著稱李自成破大同不屈死大名府志

袁葵字向一東明人爲文雄駿古博自成一家言崇禎四年

成進士交名籍甚庶吉士張溥馬世奇皆傾心下之除夏縣  
縣故壘土爲城高不盈丈而流賊數萬逼夏境葵設奇制伏



斬賊首謀賊遂遁洪洞御史劉令譽才之言於當事調洪洞  
值歲凶葵蠲租請賑勸平糶立社倉設養濟院收道旁棄兒  
以百數民忘其災尋以母憂去服除補壽光縣一大猾殺人  
屬豪貴居間緩頰葵力持之卒如法抵死以御史凌思薦加  
戶科銜督山東省餉葵寓書所知曰齊民瘠矣一夫不忍督  
矧剋六郡以市官耶議遂寢尋以父老乞養歸爲善甚力復  
倡議璧城其後邑三被兵城竟完鄉人德之年四十有三卒  
時遭父喪未除而其弟又夭札遂悲痛成疾祀鄉賢及夏洪  
洞壽陽名宦祠

東明  
縣志

高九巖魏縣人有膽氣知大義爲本道材官崇禎六年隨副  
使盧象昇勦寇山西象昇馬中流矢九巖以所乘馬與象昇  
象昇曰爾奈何九巖曰我死一伍卒耳公三軍司命也力請

象昇乘九巖遂戰死妻任氏以節聞

大名縣志

黃從貴元城人官房縣知縣崇禎七年城陷罵賊死

本朝賜諡節愍

勝朝殉節錄

劉永錫字欽爾號贍庵魏縣人崇禎九年舉人選長洲教諭  
邑令遂甯李實廉知其貧欲委以吏事謝不應尋署上海縣  
與妻子自食蔬粥居三月還長洲乙酉之變偕妻栗氏隱居  
相城大吏遣人說之永錫拔劍欲自裁乃止謂其妻曰彼再  
至我與若立自決矣會海上兵起乃罷永錫有女許字未嫁  
亂後恐貽父母憂絕粒而死永錫妻哭之成疾亦死後大水  
乏食家童相繼死永錫遣子臨與婦歸魏臨思父不置假貸  
得百金欲以奉父星夜南馳馬驚墮地被傷死初永錫長八  
九尺容貌甚偉至是形日羸見者哀之久之成疾一夕大呼

烈皇帝者三遂卒時甲午秋也有齊丈人者葬之於闔門外

半塘以妻女祔之顧亭林年譜

樊吉人元城人崇禎十年進士知滋陽累擢山東兵備僉事

未行

大清兵破兗州城自刎死時十五年十二月八日也明史

本朝賜諡烈愍勝朝殉節錄

佾鶴舉清豐人崇禎十年進士授湖廣黃州府推官以母喪

廬墓兵至家人請避不從遂被執不屈死清豐縣志

本朝賜諡節愍勝朝殉節錄

夏道一字完真大名人崇禎十二年舉人遭甲申之變遂絕

意人事衣食不給則紡車自鬻短衣行歌或無故痛哭間作

詩文不肯示人有窺之者即投之水火諸子皆不令讀書鞭

牛負薪而已

大名府志

楊希震字心起長垣人崇禎十三年進士除堂邑縣歲大旱請蠲積逋四萬八千有奇未幾歸里甲申之變闖賊遣僞官至希震結壯士謀誅之事洩被執迫供同謀希震極口罵賊賊怒斷其首身仆復躍起若將擊賊賊大驚擲之城外白虹貫天久之方散祀鄉賢

長垣縣志

本朝賜諡節愍

勝朝殉節錄

石崑岡南樂人崇禎壬午萑苻四起崑岡率士民戍守城賴

以完

大名府志

鄭獻詩清豐人以明經授漢中推官遷慶陽同知崇禎壬午與弟苑馬寺監獻書傾貲助有司守城城破獻書先被執獻詩請代弟死曳之去兄弟同聲罵賊賊殺之獻詩子位字羽

宸以明經知肥城捍禦有方賊不敢犯復率兵解泰安之圍擢山東僉事聞父遇害奔喪歸結廬墓左竟得父讐而誅之後寇復至知縣段騰請入城共守乃毀家犒守城將士賊環攻七晝夜不克而去同上

蔣燮明清豐人以明經授登州通判遷晉藩長史壬午之變

燮明已八十餘猶能負城擊敵城破被執不屈死

清豐縣志

岳維禎東明人崇禎間以保舉任清源縣留心撫字又善用

間諜屢搗賊巢鄰邑胥德之祀名宦祠

山西通志

魏師楨魏縣人本戚畹以武進士襲職錦衣千戶闖逆陷都

城舉家自焚死

雍正志

王奎璧魏縣諸生以孝聞流寇犯魏負母以逃爲賊所執欲

令隨行奎璧不從遂遇害

大名縣志

岳鳳兆清豐人任連窩驛丞不妄取民一錢見囚必泣告以  
義以母喪歸廬墓三年後補趙藩大使遇闖逆之變不食而

死

清豐縣志